

**BOSNA I HERCEGOVINA**  
**FEDERACIJA BOSNE I HERCEGOVINE**  
**Bosansko-podrinjski kanton Goražde**  
**GRAD GORAŽDE**  
**Zdravstveni savjet**  
Broj: 02-04-2-3150/2020.godine  
Goražde,06.10.2020. godine

**ZAPISNIK**  
**s prve konstituirajuće sjednice Zdravstvenog savjeta Grada Goražda**

Prva konstituirajuća sjednica Zdravstvenog savjeta Grada Goražda održana 06.10.2020.godine u Velikoj sali Gradske uprave Grada Goražda s početkom 11,00 sati.

Sjednici su prisustvovali: Zirak Sanid - predstavnik gradskog organa uprave, Kanlić Merima - predstavnik mladih, Frašto Emir - predstavnik pacijenata, mr. Čengić Nedim dipl. san. ing. - predstavnik komora iz oblasti zdravstva, Pecikoza Mersiha - predstavnik stručnih udruženja i nevladinog sektora, Emir Sarajalić – predstavnik Crvenog krsta, prim. Dr. Baškim Bajrami - predstavnik zdravstvenih radnika iz zdravstvenih ustanova na području Grada Goražda, dr. sc. prim. dr. spec. Deljo Emsudina - predstavnik zdravstvenih radnika privatnih praksi i Suljo Bekan – predstavnik penzionera.

Na sjednici je razmatrano o predloženim tačkama dnevnog reda:

1. Izbor zapisničara,
2. Informacija o proceduri uspostave Zdravstvenog savjeta,
3. Razmatranje i usvajanje Poslovnika o radu Zdravstvenog savjeta,
4. Nadležnosti Zdravstvenog savjeta,
5. Prava i obaveze članova Zdravstvenog savjeta,
6. Tekuća pitanja.

Ad1) Izbor zapisničara – jednoglasnom odlukom Savjeta za zapisničara je izabrana Kanlić Merima - predstavnik mladih.

Ad2) Informacija o proceduri uspostave Zdravstvenog savjeta – predsjednik Savjeta dr. sci. Sanid Zirak detaljno je pojasnio ostalim članovima Savjeta tok procedure i način odabira članova Savjeta. Predsjednik se zahvalio na strpljenju objasnivši razloge dužeg trajanja izborne procedure koji su posljedica novonastale zdravstvene situacije.

Ad3) Razmatranje i usvajanje Poslovnika o radu Zdravstvenog savjeta – Poslovnik o radu nakon njegovog predstavljanja od strane predsjednika Savjeta, usvojen je jednoglasno odlukom članova Savjeta uz izmjene člana 4. i člana 6.

Ad4) Nadležnosti Zdravstvenog savjeta – predsjednik Savjeta predstavio je članovima nadležnosti koje predstvaljaju osnovne zadatke Zdravstvenog savjeta koji je Savjet dužan realizovati, a sve to u cilju poboljšavanja uslova zdravstvene zaštite uz saradnju i pomoć zdravstvenih ustanova u gradu Goraždu.

Ad5) Prava i obaveze članova – članovi Savjeta upoznati su sa svojim pravima obavezama kao članova prvog Zdravstvenog savjeta koji je konstituisan u Gradu Goraždu. Postignut je dogovor o odražavanju sjednica i prisustvo na njima što je jedna od osnovnih obaveza članova Savjeta kao i o načinu glasanja članova povodom donošenja određenih odluka.

Ad6) Tekuća pitanja – članovi su postavili određena pitanja povodom slijedećih koraka u radu Savjeta. Uz prijedlog mr. Čengić Nedima o upućivanju dopisa zdravstvenim ustanovama radi upoznavanje Savjeta o planovima i programima rada zdravstvenih institucija na području grada, kako bi Savjet mogao na vrijeme dati svoje mišljenje i preporuke što je jedan od osnovnih zadataka Savjeta, a na to je zakonski ovlašten. Dopis će biti upućen Zavodu za javno zdravstvo radi dostave podataka o Planu i Programu rada za 2021.godinu i dostave informacije vezane za održavanje kurseva i edukacija radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama. O ovom prijedlogu jednoglasno su se složili i ostali članovi Savjeta.

Sjednica je završena u 12,15 sati s trajanjem od 70 minuta, uz sudjelovanje svih članova Savjeta koji su iznošenjem svojih mišljenja i većinskim glasanjem usaglasili stavove povodom navednih tekućih pitanja.

**ZAPISNIK SAČINILA**

**Merima Kanlić**

*Kanlić Merima*

**Predsjednik Zdravstvenog savjeta**

**Dr. sci Sanid Zirak**

*[Signature]*